

Til: **Alle kommunar i landet**

Frå: **Mattilsynet sitt hovudkontor**

Avdeling mat, seksjon hygiene og drikkevann

Dykkar ref.:

Vår ref.: 2020/40010

Dato: 25.2.2020

Org.nr.: 985 399 077

Statens tilsyn for planter, fisk, dyr og næringsmidler



REGISTRERING AV OMSYNSSONER FOR DRIKKEVASSKJELDER

Mange drikkevasskjelder er verna gjennom kommunale reguleringsplanar og omsynssoner. Omsynssoner rundt drikkevasskjelder skal sikre nedbørsfeltet og kjelda mot påverkingar og forureining som kan vere til fare for produksjonen av nok, trygt drikkevatn. Som regel er hensikta å avgrense enkelte typar aktivitet i området. Viss det likevel er aktuelt med slik aktivitet, er det ein fordel at alle partar får enkel tilgang til informasjon om kor ein må utvise ekstra varsemd.

Det finst inga nasjonal oversikt over omsynssoner for drikkevatn. Derfor ber Mattilsynet nå alle kommunane om å registrere omsynssonene for drikkevatn i sin kommune.

Kven i kommunen skal gjere registreringa?

Dei som har oversikt over reguleringsplanar og liknande har best føresetnad for å gjere registreringa. Som regel er det plansaksavdelinga eller personar som jobbar med plansaker.

Slik registrerer de omsynssonene

I samarbeid med Mattilsynet har Miljødirektoratet utarbeida ei enkel kartløyising til dette føremålet. Her legg de inn alle område som er avsett til omsynssoner for drikkevatn i dykkar kommune. Teikne inn kvart enkelt område og kryss av i lista dersom det er gitt relevante restriksjonar.

[Gå rett til registreringa](https://geocortex02.miljodirektoratet.no/html5viewer/?viewer=hensynssoner), eller kopier denne teksta til adressefeltet i ein nettlesar:
<https://geocortex02.miljodirektoratet.no/html5viewer/?viewer=hensynssoner>

Registreringa er ikkje laga for at de skal teikne inn omsynssonene ned til minste detalj. Hensikta er å få ei grov oversikt over kor i landet det er slike område. Ein må kontakte den einskilde kommunen for å få detaljerte opplysingar.

Vi ber om at de gjer registreringa innan fredag 27. mars 2020. På førehand takk for hjelpa med at de bidreg til trygt drikkevatn!

Med vennleg helsing Mattilsynet

Ved spørsmål: kontakt Mattilsynet v/Anders Bekkelund, seniorrådgjevar
anders.bekkelund@mattilsynet.no
Tlf. 22 77 83 25